

Dato: 29. november 2022
Kontor: Nordatlantkontoret
Sagsbeh: Maise Biørn Jørgensen
Sagsnr.: 2019-490-0144
Dok.: 2655719

MISSINGIUT

**Politiit inuiaqatigiinni tamat torersumiinnerannik isumannaarinerat
pillugu aammalu inuit ataasiakkaat aamma inuiaqatigiinni tamat isu-
mannaassusaannik il. il. illersuinerat pillugu, kiisalu politiit pi-
neqaatissiissutaagallartunik atuutilersitsisinnaanerat pillugu Kalaallit
Nunaannut nalunaarut (tamat torersumiinnerat pillugu nalunaarut)**

Politiit atuuffiat pillugu inatsimmi, nr. 444, 9. juni 2004-meersumi § 23 ma-
lillugu, peqqussutikkut nr. 1320, 23.september 2022-meersukkut Kalaallit
Nunaannut atuutilersinneqartoq, aalajangersarneqarpoq:

Kapitali 1

Nalunaarutip atuuffia il. il.

§ 1. Nalunaarut una Kalaallit Nunaanni Politiinut atuuppoq.

Imm. 2. Justitsministeri kommuninut tamanut aamma Kalaallit Nunaata
avannaarsuata kangiani aamma Tunumi Nuna Allanngutsaaliukkamut
politiinut ileqqoreqqusaniq aalajangersasinnavaavoq, sumiiffimmi pissutsi-
nut immikkut ittunut tamanna naapertuuppat, tak. politiit atuuffiat pillugu
inatsimmi § 24, imm. 1.

Imm. 3. Politiinut ileqqoreqqusat imm. 2-mi taaneqartut ilaannakortumik
imaluunniit tamakkiisumik uani nalunaarummi malittarisassaniq saneqqus-
sisinnaanngillat.

§ 2. Allamik malittarisassaqaanngippat, una nalunaarut aqqusinerni ima-
luunniit sumiiffinni allani, nalinginnaasumik sumiiffigineqarsinnaasuni, in-
nuttaasut pissusilorsornerannut atuuppoq. Taamaalilluni nalunaarut asser-

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

suutigalugu porte-ni, tamanut sammisaqarfinni tassunga ilagitillugit taxa-t, nuannaariartarfait tamat perusuersartarfii, innuttaasut pissusilersorernan- nut atuuppoq, aamma tamat sumiiffigisinnaasaat bussinullu unittarfait kisalu pisiniarfifit, pisiniarfissuit, pisortat allaffii ammanerisa nalaanni.

Imm. 2. Uani nalunaarummi aqqusineq imatut paasineqassaaq pisortat aqqusineq pigisaat imaluunniit inuup aqqusineq pigisaa, cykelit aqqutaat, inuit aqqutaat, illoqannginnersat, ikaartarfait, sulluliat, pisuffit imaluunniit assigisaat, nalinginnaasumik angalariaatsimik ataatsimik imaluunniit angalariaatsinik arlalinnik atuinikkut nalinginnaasumik angallavigineqartut.

Kapitali 2

Inuiaqatigiinni tamat torersumiinnerannik il. il. isumannaarineq

§ 3. Persuttaannerit, nillianerit, suaartarnerit imaluunniit nipiliornerit, nakuusernerit, innarliinerit imaluunniit allatut iliornierit, tamat torersuumiinnerannut akornutaasut, inerteqqutaapput.

Imm. 2. Kanngunartumik imaluunniit mamianartumik pissusilersorneq inerteqqutaavoq, allanik ajoqsiisinnaasoq imaluunniit tamanut maligassiu- inerlunnerusoq.

Imm. 3. Aalakoornartunik imaluunniit allanik aanngaarnartunik ima- luunniit toquararnartunik annertuumik sunnertismalluni, allanut akor- ngutaasinnaasumik, angallanneq inerteqqutaavoq.

Imm. 4. Sumiiffinni, nalinginnaasumik tamanit iserfigineqarsinnaasuni, ataavartumik tammaarfissanik pilersitsinissaq aammalu tammaarsimaarnis- saq inerteqqutaavoq, qanigisaaniittunut toqqisisisisimannginnermik pilersit- sisinnaasunik.

Imm. 5. Imm. 1-imi aamma 2-mi taaneqartutut, sumiiffinni nalingin- naasumik iserfigineqarsinnaanngitsuni, iliuuseqartoqarpat, aammalu ta- manna tamat torersumiinnerannut akornutaappat, tamatuma unitsinneqar- nissaanut politiit inassuteqarsinnaapput.

§ 4. Eqiterunnerit, tamat torersumiinnerannut akornutaasinnaasut, inerte- qqutaapput.

Imm. 2. Politiit kikkulluunnnulluunniit inassutinik nalunaaruteqarsinnaap- put, tamat torersumiinnerannik taamatut akornusiisinnaanerup pitsaalior- nissaanut pisariaqartunik, tak. tassunga atatillugu politiit atuuffiat pillugu inatsimmi § 9.

§ 5. Aqqusinerni ingerlaaqatigiinnerit aamma ataatsimiinnerit politiinut inuttut saaffiginninnikkut nalunaarutigineqassapput, kingusinnerpaamik

akunnerit 24-t pinissaat sioqqullugu. Aaqqissuisoq imaluunniit tassunga sin-niisuusoq nalunaaruteqartuussaaq aammalu nalunaarut ataatsimiinnerup imaluunniit ingerlaaqatigiinnerup siunertaanik, qaqugukkut pinissaanik, naapiffissap sumiinneranik aammalu ingerlaarfiusussamik kiisalu peqataa-sussat amerlassusissaattut naatsorsuinerterik imaqassaaq.

Imm. 2. Imm. 1-imik aalajangersagaq ilisinermut atatillugu ingerlaaqatigi-innernut atuutinngilaq.

§ 6. Politiit kinaluunniit inassinjaavaat sumiiffimmi aalajangersimasumi uninngaqqunagu imaluunniit ingerlaffissami naatsumi siumut aamma utimut uteqattaaqqunagu, pineqartup uninnganera imaluunniit ingerlanera eqaani najugalinnut imaluunniit sanioqquttunut akornutaappat, imaluunniit tunngavissalimmik pasitsaanneqarpat, pineqartoq sumiiffimmi tassani pinerlulluni iliuuseqarnera.

Imm. 2. Inuup § 3, imm. 1-3 imaluunniit imm. 5 arlaleriarluni unioqqutis-simappagit, politiit pineqartoq nalunaaruteqarfigisinjaavaat siumut aamma utimut uteqattaarneq imaluunniit kingullermik unioqqutisiffiusup 100 meterik radius-eqartup iluaniittumi sumiiffimmiinnissaq inerteqqutaasut. Inerteqquteqarnermik nalunaarutiginninnermut piumasaqaataavoq, tunngavissalimmik isumaqartoqarnissaa, pineqartup sumiiffimmi inerteqquteqarnermut ilaatinneqartumi unioqqutiseqqissinnaaneranik.

Imm. 3. Inuup § 3, imm. 4 unioqqutissimappagu, politiit pineqartoq nalunaaruteqarfigisinjaavaat unioqqutisiffiusimasumi siumut aamma utimut uteqattaarneq imaluunniit illoqarfiup iluaniinneq imaluunniit killil-erneqarsimasumi sumiiffimmiinneq inerteqqutaasut. Inerteqquteqarnermik nalunaarutiginninnermut piumasaqaataavoq, tunngavissalimmik isumaqartoqarnissaa, pineqartup sumiiffimmi inerteqquteqarnermut ilaatinneqartus-sami unioqqutiseqqissinnaanera.

Imm. 4. Aqquserngit pineqartillugit imm. 2-mi aalajangersagaq assin-ganik atuutissaaq, imm. 1-imik arlaleriarluni uteqattaartumik pisoqarnerani atuineq eqqarsaatigalugu.

Imm. 5. Inuk immikkoorutilimmik toqqisisimajunnaartitsisumik pis-susilersorsimappat imaluunniit pissusilersornermigut immikkoorutilimmik toqqisisimanninnermik pilersitseqataasimappat, politiit pineqartoq nalunaaruteqarfigisinjaavaat, pissusilersorfiusimasumi siumut aamma utimut uteqattaarneq imaluunniit 500 meterik radius-eqartup iluaniittumi sumiiffimmiinnissaq inerteqqutaasut. Inerteqquteqarnermik nalunaarutigin-ninnermut piumasaqaataavoq, tunngavissalimmik isumaqartoqarnissaa, pineqartup sumiiffimmi inerteqquteqarnermut ilaatinneqartumi im-mikkoorutilimmik pissusilersornikkut toqqisisimatitsinnginnerminik ute-qqiisinnaanera imaluunniit immikkoorutilimmik toqqisisimanninnermik

pilersitseqataasinnaanera. Nunap sananeqaataanut imaluunniit allanik mi-anerinninnermut tamanna naapertuuppat, 1.000 meterit angullugit radius-ili-illuni aalajangersaasoqarsinnaavoq.

Imm. 6. Imm. 2-4 malillugit inerteqqutit allakkatigut nalunaarutigineqas-sapput aammalu tunngavilersorneqarsimassallutik. Inerteqqutinut piffissali-illuni aalajangersaasoqassaaq, ukiut 2-t sinnersinnaanngisaannik.

Imm. 7. Imm. 5 malillugu inerteqqutinut piffissaliilluni aalajangersaaso-qassaaq, qaammatit 3-t sinnersinnaanngisaannik. Taamaattoq piffissalius-saq qaammatit 3-t angullugit sivitsorneqartarsinnaavoq.

§ 7. Susassaqanngitsut majuartarfinni, porte-ni, illut isaariaanni imaluunniit illut inissialluunniit majuartarfiini, illut imaluunniit inissiat inoqanngitsut kælder-iini imaluunniit qalianni, gärde-ni, naatsiivinni imaluunniit quini, sanaartorfinni, angallassissutini, umiatsiani imaluunniit assigisaanni unin-ngaqquaanngillat.

Imm. 2. Tunngavilimmik pissutissaqarani matunut imaluunniit igalaanut kasuttorneq, matut sianiiwik atuineq imaluunniit assigisaanik najugaqartunut akornusersuutaasinnaasunik iliuuseqarneq inerteqqutaavoq.

§ 8. Politiit højtalere-nik, nipiluutinik, nipilersuutinik imaluunniit as-sigisaanik atuineq inerteqqutigisinnaavaat, atuineq eqqaani najugaqartunut imaluunniit sanioqquttunut malunnaatilimmik akornutaasutut nalil-erneqarpat.

Imm. 2. Nal. 7 sioqqullugu aamma nal. 18-ip kingornatigut nioqqutissat pillugit aqqusinermi nillianeq inerteqqutaavoq aammalu ingerlanneqarsin-naanani tamanna nappasimavinnut, atuarfinnut imaluunniit assigisaanut akornutaappat.

§ 9. Plakatinik imaluunniit saqqummersitanik nivinngaassuineq imaluunniit angallassineq, assinik imaluunniit allatanik tuniniaaneq imaluunniit agguaneq inerteqqutaapput, taamaaliornerit tamat torersumiinnerannut akornutaappata, imaluunniit plakatit, allatat imaluunniit assit mamiatsannartunik imaqpata.

Imm. 2. Illuni allatanik aamma assinik mamiatsannartunik imalinnik na-jugaqartuunngitsunut tunniussineq inerteqqutaavoq, paatsuugassaanngitsumik taakkuninnga imissuteqarsimannngitsunut, imarisaat allanut innarlis-innaappata imaluunniit tamanut maligassiuerlunneruppata.

Imm.. 3. Inuussutissarsiornikkut soqtigisaqarnermut atatillugu pil-lerisaarutinik sanioqquttunut agguaneq inerteqqutaavoq.

§ 10. Aqqusinermiinnermi meeqqat mikisut angajoqqaanit imaluunniit allanit meeqqanik paarsisuusunit pisarialimmik nakkutigineqassapput.

§ 11. Aqqusinermi angallatinik motorilinnik imaluunniit cykelinik motorilinnik ingerlaseqartilluni qimmimik pituutalimmik ingerlaqateqarnissaq inerteqquataavoq.

§ 12. Aallaasinik, pisissinik, slangebøsse-nik imaluunniit assigisaanik atuineq, ikumatitanik ikitsineq, imaluunniit ujaqqanik, apummik, imermik imaluunniit allanik milloorneq inerteqquataapput, taamaaliornerit sanioqquttunut ulorianartorsiortitsisinnaappata imaluunniit akorngutaasinnaappata.

Imm. 2. Sumiiffinni najugaqarfiusuniit 500 m tikillugu ungasitsigisumit qoorortuumik iginnissaq, timmiarsiummik, luftbøsseemik allamilluunniit il-luinnarsummik iginnissaq inerteqquataavoq.

Imm. 3. Aamma sumiiffinni najugaqarfiusuni, soorlu aqqusinerni, sanaartorfinni, eqqaaveqarfinni il.il. inerteqquataavoq imm. 1-imi sakkunik eqqaaneqartunik iginnissaq.

Imm. 4. Aallaasit sumiiffinnut imm. 2-mi 3-milu taaneqartunut appakaatinnginnermi imaarneqaqqaassapput. Sumiiffinni taaneqartuni aallaasinik imalinnik nassarluni angalaarnissaq inerteqquataavoq.

Imm. 5. Sumiiffinni najugaqarfiusuni, imm. 2-mi aalajangersarneqaraluartoq taamaattoq eqqarluni unammisitsinerit politiit immikkut akuerisaanni pifffinni pisinnaapput.

§ 13. Sulisoqartillugu sanioqquttunut ulorianartorsiortitsisinnaasumik imaluunniit akorngutaasinnaasumik, assersuutigalugu illumik iluarsaassinermut imaluunniit aserfallatsaaliiñermut atatillugu, sanioqquttunut mianersoqqussutitut illersorneqarsinnaasunik assiaqutiliisoqassaaq. Ikkat imaluunniit atortussat qalipanneqarsimasut panernissaat tikillugu, erseqqissumik allagartaliinikkut sanioqquttut mianersoqquneqassapput, iikkat imaluunniit atortussat qalipaqqammernerat pillugu.

Imm. 2. Qalequtissiat, aputit, kusukkat, imaluunniit assigisaat illumit nakkaasinnaanerannut ulorianartoqarpal, sumiiffinni inuit angallaffigisartagaanni, tassunga ilaallutik aqquserngit, aqqusineeqqat, pisuinnartunullu aqqtissiat, taava piginnittup piaernerpaamik sanioqquttut mianersoqqus-savai illersorneqarsinnaasunik assiaqutiliinikkut aammalu piaernerpaamik isumagissallugu pisarialimmik iluarsaassinissaq imaluunniit aputaajaanisaq imaluunniit kusukkanik il. il. piaanissaq.

Imm. 3. Inissiani atortussat imatut ilineqassanngillat imaluunniit atorneqassanngillat, uppissinnaanngortillugit imaluunniit nakkarsinnaanngortillugit aammalu taamaalillutik sanioqquttunut ulorianarsisinneqarlutik

imaluunniit akornutaalerlutik. Igalaat illorsorneqarsinnaasumik aalajaallisinneqarsimassapput.

Imm. 4. Politiit aamma suut sanioqquuttunut ulorianartorsiortitsisut inerteqqutaalertissinnaavaat.

§ 14. Sinerissami imartat aamma tatsit uffarfittut atortakkanut suut annanniutut inissinneqassanersut aammalu suut pineqaatissiissutit atuutilisanersut, tassunga ilagitillugu nakkutilliineq, politiit, pisariaqartitsineq naapertorlugu kommunabestyrelsimek isumaqatiginninniareernikkut, aalajangersarsinnaavaat, uffartut inuunerannut aamma peqqissusaannut ulorianartorsiortitsisinnaaneq pistaaaliorniarlugu.

Imm. 2. Politiit kommunabestyrelsimek isumaqatiginninniareernikkut allagartaliinikkut imaluunniit assigisaatigut ersarissaanikkut uffarneq pillugu malittarisassanik aalajangersaasinnaapput, tassunga ilagitillugit, sumiiffinni erseqqissumik taaneqartuni uffarnerup angalaarnerullu inerteqqutaanera pil-lugu malittarisassat.

Imm. 3. Politiit imm. 2-mi taaneqartutut iliuuseqarlutik, sinerissamut qanittumiittuni sumiiffinni taaneqartuni umiatsianik motor-ilinnik, vand-scooterinik angallannermut aamma windsurfing-ernermut il. il. malittarisassanik aamma aalajangersaasinnaapput, taamaaliorneq imaatigut angallannermut pisariaqartutut isigineqarpat, kanngisaaruteqarneq imaluunniit akornuteqarneq pitsaaliorniarlugin, imaluunniit pisariaqanngitsumik nipiliornerit allanut akornutaasinnaasut pitsaaliorniarlugin.

Imm. 4. Politiit imm. 2-mi taaneqartutut iliuuseqarlutik, sumiiffinni aalis-arnermut aamma tatsini imaluunniit assigisaani angallannermut malittarisassanik aamma aalajangersaasinnaapput.

§ 15. Politiit imaluunniit oqartussaqarfíup taassuma, politiit tamatumunnga piginnaatitaata, allagarsiinikkut imaluunniit tamanut nalunaarute-qarnikkut sinerissami, talittarfinni imaluunniit tatsini, kuunni aammalu allani imeqartuni, pisortanit isumagineqartuni sikukkut angallanneq inerteqqutigisinnaavaat.

Imm. 2. Sinerissami sikumi ammalattaliortoqartillugu siku aseroterneqartoq ammalattaliaq kaajallallugu iliorarneqassaaq. Politiit piimasarisinnaavaat ammalattaliat illorsorneqarsinnaasumik ungalusimanisaat imaluunniit nalunaaqutsersimanissaat.

Imm. 3. Imeqartuni imm. 1-imí taaneqartuni politiit akuersiseqqaarnagit ammalattaliortoqarsinnaanngilaq. Sikumi ammalattaliat illorsorneqarsinnaasumik ungaluutserneqassapput imaluunniit nalunaaqqutserneqarlutik.

§ 16. Pisortat pigisaanni torersuunissamut aalajangersakkat pulaartunit malinneqassapput, allagarsiinikkut nalunaarutigineqarsimasut, aamma torersuunissamut aalajangersakkat malinnissaannut innersuussutit nakkutillisunit tunniunneqartut malinneqassapput. Tamannattaaq atuuppoq toerrsunnissamut aalajangersakkanut, allagarsiinikkut nalunaarutigineqarsimasunut, aammalu communalbestyrelsimiit oqaaseqaammik piniartoqareerneratigut politidirektòrimiit akuerineqarsimasunut, sumiiffinnut inuit nammineq imaluunniit pisortat atugassaannut, aqqusinernut imaluunniit allanut sumiiffinnut nalinginnaasumik iserfigineqarsinnaasunut, tak. § 2.

Kapitali 3

Pineqaatissiissutaagallartut

§ 17. Politiit pineqaatissiissutaagallartunik inassutinik imaluunniit inerteqqutinik aalajangiisinjaapput, inuaqatigiinni tamat torerumiinnerannut ularianaatit pitsaaliorniarlugit imaluunniit inuit ataasiakkaat imaluunniit inuaqatigiinni tamat isumannaassusaannut tamanna pisariaqartutut nalilerneqarpat.

Imm. 2. Imm. 1 malillugu inassutinik imaluunniit inerteqqutinik atuutilersitsineq politidirektòr-imit imaluunniit taassuma tamatumunnga pigin-naatitaanit aalajangerneqassaaq. Aalajangiineq tamanut nalunaarute-qarnikkut nalunaarutigineqassaaq aammalu tunngavilersuinermik imaqsalluni aammalu sumiiffik aamma piffissaq aalajangiinermut atuuttoq taaneqassalluni.

Imm. 3. Piffissaq aalajangiinermut atuuttoq, sapinngisamik sivikitsussaaq aammalu qaammatit 3-t sinnersinnaanagit. Piffissaq sivitsornerqarsinnaavoq, taamaattoq annerpaamik qaammatit 3-kkaarlugit sivitsornerqarsinnaalluni. Sivitsineq pissaaq nutaamik aalajangiinikkut, tak. imm. 2.

Kapitali 4

Pineqaatissiineq

§ 18. §§ 3-miit 13-imut aamma § 15, imm. 2-mik unioqqutitsineq, § 14 aamma § 15, imm. 1, aamma § 16 malillugit malittarisassanik atuutilersin-neqarsimasunik aamma aalajangersakkanik unioqqutitsineq imaluunniit § 3, imm. 5, § 4, imm. 2, § 6, imm. 1-2, § 8, imm. 1, § 13, imm. 4, aamma § 17 malillugit atuutilersin-neqarsimasunik unioqqutitsineq kiisalu inassutinik imaluunniit inerteqqutinik malinninnginnej, pinerluttulerinermik inatsit

naapertorlugu pineqaatissiissutaasinnaapput. Pineqaatissiisummik aala-jangiinermi immikkut pingartinneqassaaq inuiaqatigiinni tamat torersumi-innerannik aammalu inuit ataasiakkaat aamma inuiaqatigiinni tamat isumannaassusaannik isumannaarineq. § 3, imm. 1 aamma § 4, imm. 1 unio-qqutinneqarpata, taava pillaatissatut aalajangiiniarnermi isiginiarneqassaaq pisup nalaani imaluunniit ingerlanerani inuiaqatigiinni tamat torersumiinnerannik annertuumik akornusersuisoqarnera. 3. pkt. taamaallaat atuutsineqassaaq pineqartup siunertarippagu inuiaqatigiini tamat torersumiinnerannik annertuumik akornusersuinissaq.

Imm. 2. § 6, imm. 3 aamma 5 malillugit inerteqqutinik malinninnginnerit, pinerluttulerinermik inatsit naapertorlugu pineqaatissiissutaassapput.

Imm. 3. Ingerlatseqatigiiffiit il. il. (inuit pisinnaatitaasut pisussaatitaa-sullu) pinerluttulerinermik akisussaatinneqarsinnaapput pinerluttulerinermik inatsimmi kapitali 5-imi malittarisassat malillugit.

Kapitali 5

Atuutilerfissaar

§ 19. Nalunaarut atuutilissaaq ulloq 1. januar 2023

Imm. 2. Kommune Kujallermi Politiit malittareqquusat 8. december 2009-meersoq, Kommuneqarfik Sermersuumi Politiit malittareqquusat 8. december 2009-meersoq, Qaasuitsup Kommuniani Politiit malittareqquusat 8. december 2009-meersoq, Qeqqata Kommuniani Politiit malittareqquusat 8. december 2009-meersoq aammalu Kommune Qeqortalimmi Politiit ma-littareqquusat 14. december 2017-imeersoq atorunnaarsinneqarput.

Justitsministeria, ulloq [...] 2022

/ Marie Green